

Rodna ravnopravnost

Rodna ravnopravnost u pravosuđu ključna je za postizanje jednakog pristupa pravdi

Okružni sud u Doboju

Ul. Svetog Save br. 22
74000 DOBOJ
Republika Srpska
Bosna i Hercegovina

Pojam

Rodna ravnopravnost podrazumijeva jednaka prava, odgovornosti i mogućnosti, kao i ravnomjerno učešće i podjednaku zastupljenost žena i muškaraca u svim oblastima društvenog života. Pored toga, uz uvažavanje bioloških, društvenih i formalnih razlika koje postoje između žena i muškaraca, moraju postojati jednake mogućnosti za lični razvoj, te jednaka prava, mogućnosti i koristi od rezultata rada.



Pored državnog i entitetskih Ustava, u BiH je uspostavljen značajan zakonodavni okvir u oblasti rodne ravnopravnosti, gdje se posebno izdvajaju Zakon o zabrani diskriminacije i Zakon o ravnopravnosti spolova u BiH, koji promovišu i štite ravnopravnost i garantuju jednake mogućnosti svih osoba bez obzira na spol, uređuju zaštitu od diskriminacije, te utvrđuju odgovornosti i obaveze nadležnih institucija BiH da svojim djelovanjem omoguće zaštitu, promovisanje i stvaranje uslova za jednako postupanje.



Kontakt

Telefon: 053/241-310

Telefaks: 053/241-369

E-mail: oksud-doboj@pravosudje.ba

Web: <https://oksud-doboj.pravosudje.ba/>

Strategija

Strategija za unapređenje rodne ravnopravnosti u pravosuđu Bosne i Hercegovine usvojena je 2020. godine. Navedenom Strategijom se nastoji pravosudnoj zajednici BiH ukazati na značaj primjene metode tzv. gender mainstreaming-a i istovremeno unaprijediti nivo rodne ravnopravnosti u pravosuđu BiH. Strategija predstavlja strateški dokument opšteg karaktera, na osnovu koga pravosudne institucije donose vlastite akcione planove i pristupaju njihovoj implementaciji



Kako prijaviti rodno zasnovanu diskriminaciju

Prijava rodno zasnovane diskriminacije u Okružnom sudu u Doboju podnosi se u pismenoj formi na obrascu koji se može preuzeti u prostorijama ili na internet stranici suda. Prijava može da se podnese javno ili anonimno ostavljanjem prijave u namjenski postavljenu kutiju za pritužbe na info-pultu, te elektronskom poštom putem e-mail adrese:

oksud-doboj@pravosudje.ba



Akcioni plan

Akcioni plan provođenja „Strategije za unapređenje rodne ravnopravnosti u pravosuđu Bosne i Hercegovine“ Okružnog suda u Doboju usvojen je u oktobru 2022. godine.

Akcionim planom je definisan plan aktivnosti i predviđene su mjere koje treba preduzeti u cilju implementacije Strategije. Implementacija se izvodi primjenom koncepta gender mainstreaming-a, o čemu je Sud posebno vodio računa prilikom izrade Akcionog plana. Ovaj koncept podrazumijeva pristup u donošenju politika koji uzima u obzir interese i potrebe muškaraca i žena, odnosno (re)organizaciju, unapređenje, razvoj i evaluaciju procesa donošenja politika, kroz ugradnju perspektive rodne ravnopravnosti u sve politike na svim nivoima i u svim fazama, od strane aktera koji su obično uključeni u proces donošenja politika.

Akcioni plan Okružnog suda u Doboju ima za cilj da:

- unaprijedi i produbi aktivnosti nosilaca pravosudnih funkcija i ostalih zaposlenih u Okružnom sudu u Doboju koje se odnose na unapređenje znanja i nivoa svijesti o pojmu roda, rodnim normama, metodi gender mainstreaminga, rodnoj ravnopravnosti i jednakom pristupu pravdi i
- da sva lica koja dođu u kontakt sa sudom, bilo da je takav kontakt ostvaren usmeno, pismeno ili putem internet stranice suda, smatraju da su pravosudne institucije zasnovane na principima rodne ravnopravnosti.